

Lo restaura e edificio caminda Nicolaas Store tabata ubica y lo converti den 'Community Museum'



SAN NICOLAS -- Stichting Monumentenfonds Aruba (SMFA) a cumpra e edificio di Nicolaas Store na San Nicolas y ta bay prepara e restauracion. E 'Community Museum' ta bay bira e huerdo di e edificio.

Diabierna 23 di Augustus e contract a wordo firma pa medio di e directiva di Stichting Monumentenfonds y Minister di Cultura Michelle Hooyboer-Winklaar. SMFA ta orguyoso y contento cu e 'Community Museum' ta wordo ubica na e edificio cu ta conoci como Nicolaas Store. E firmamento a tuma luga na oficina di SMFA.

Na Maart 2013 un coleccion a wordo cumpra cu iniciativa di gobierno. Intencion tabata pa pone na disposicion di publico, na San Nicolas. Na Maart un exposicion temporario a wordo habri na e edificio den e ex edificio di Brenchie, mientras tanto wardando riba e ultimo destinacion, cu ta 'Community Museum'.

E 'Community Museum' ta na un fase di preparacion. E intencion ta pa un gran parti di e poblacion di San Nicolas participa durante e diseño. Su contribucion ta importante

pa traha e 'Community Museum' y tambe pa crea un comunidad.

Un parti di e coleccion lo ta visibel den e 'Community Museum', pero tambe un parti na e Museo Historico na Fort Zoutman. E dos museo ta cay abou e Fundacion Museo Arubano. □

